



نارنج وادستان

جلد ۶ ۱۳۳۶

مجموعه

برکون بیلنیر فیستی مجموعه مک اما
پاک چوق آرانیرا ورته ده مجموعه بولمنز

ایتدک شرف خدمت احداثی فراموش
آمارینه اسلافزک رغبت اولنیز

کرچه، مقدمامقام صدارته واقع اولان مراجعات و مجموعه عاجزانه مله اجرا ایلدیکم اختارات انشاءالله تعالی آرتق نتیجه حسنه سی بولش دیمک ایسه ده اکمال تلمات اولق اوزره اخیر آفسخ اولنان مجلس مبعوثانه تقدیم ایلدیکم عریضه صورتی تاریخی بروئقه اولق حسیله مجموعه یه درج ایله انظار عامه یه وضع واره نی مناسب کوردم :

..

مجلس مبعوثان برنجی ریاست جلیله سنه

هرآی غایه سنده نشر ایتمکده اولدیم (عثمانلی تاریخ و ادبیات مجموعه سی) نك ۱۹ نجی نسخه سندن بوکره انتشار ایدن ۲۴ نجیسنه قدر آتی عدد اوله رق منظور معالی نشور ریاستپناهیلری بیورلق اوزره پوسته یه تودیماعاً عرض و تقدیم ایلدم. بالخاصه بونسخه لری کوندرمکدن مقصد، ۱۹ نجی نومروده خلفای معظمه عثمانیه نك والده جهندن آل هاشم وقریشه منسوب بولندقلری حقنده کی ایضاحاتی جامع بولنق واوندن صکره کی نسخه لرده ایسه جهانک موجب تقدیر وحرمتی بولنان مبانی عظیمه و مقدسه اوقافک هر قسم پریشانیسی حقنده روا کوریلان احوال فلاکت اشمالی بالتعداد تا اوزماندنبری صدراعظم پاشا افندمن حضرتلربنه تقدیم ایلدیکم حیتمندانه و متاثرانه هررضه لری ویوروتدیکم اسف انکیز مطالعاتی محتوی بولنق حسیله در .

قاینه نك ابتدای تشککندن بری هر نظارته برناظر تعیین بیورلمش ایکن محتاج تقویه اولان اوقاف نظارتسک وکالتله اداره سی حقنده کی حکمت اکلاشیله مامش وکرچه شیخ الاسلام افندی حضرتلرینک نظارتی آلتنده - دفتر خاقانی امانتک مالیه نظارت جلیله سنه اولان رابطه سی قیلندن - براوقاف اماتی ویا مدیریتی، تشکیلی متصور بولندیغنی و مجلس وکلاجه قرار ویریه رک نهایت برایکی جلسه ده مطالعه لری

بیان اولمق اوزره شورای دولت ریاست جاییله نه کوندرلمش اولدیفنی
برخیلی زماندن بری غزته لر بازمقدمه ایسه ده حالا اعاده ایدلماشدر .

بو حال طبعیدرکه اوقاف مأمورین متعلقه سنک اللری ایشدن ده
زیاده صاوتشدر . بر درجه ده کی مسموعات موثوقه یه نظراً برایکی هفته
اول شیخ الاسلام افندی حضرتلری جمعه نماز شریفک فریضه اداسی ایچون
مشیخت قوناغنه قریب برجامع شریفه کیتدکده مسدود بولمشدر .
کرچه وظیفه دینییه بی بالا اجرا خطیبی در حال عزل ایتدیرمش
ایسه ده لکن پای تخت خلافت کبراده ایشک مع التأسف بودرجه لره
و ارمسی بر مقتدر و حمتکار ناظر ویا آمرک ایش باشنده بولنماسنه
مبتدیر .

معلوم عالی ریاست پناهی لریدرکه محتاج تعمیر واکمال بولنان برچوق مبانی
وقفیه وارددرکه بمضیلرینک اوستنده کی اسکله لر بیله بش التی سنه دنبرو
موجود بولندیفنی حالدیه یقیلوب کیتمکده در . استانبوله عائد اولمق اوزره
واردات اوقاف آرتمش ووقیله کوندرلمکده اولان و مقرداری یوزبیک
ایرانی متجاوز بولنان صره هایون دخی شیدیلک کرک مالیه خزینه سنه
و کرک اوقاف صندیغنه قالمش اولدیفنی حالدیه نقصان قالان انشآت اکمال اولمق
ودهاپک چوق شیر میدانه کتیرمک قابل ایکن باقان و آرایان اولماشدر .
باب عالینک دروننده و اطرافنده بولنان او ملوکی او مزین چشمه لردن
آلده استانبولک هر طرفنده بولنان چشمه لره هیچ بری آقیتدیرلما مقده
هر بری برپادشاه ذی شانک ویا بر ذات عالینک یادکار حمیتی اولان جامع لردن
چشمه لردن چینی لرو سائر آثار تزئینیه لر چالتوب سکوت ایله کچشدیرلمکده در .
بونلرک تفصیلاتی ایسه تقدیم ایلدیکم مجموعه لردده کوریه جکی اوزره
متوالیا و مستمراً باب عالی یه و انظار عامه یه مرض ایتمش و عرض ایتدیکم
شیلردن زمانک نزاکنه قارش کتدم متأثر اوله رق حجاب ایتمکده
بولنش ایکن هیچ بر فائده کورلماش و هیچ بر آدیران اولماشدر .
مثلاً شهزاده باشی استانبولک اک غلبه لک محلی اولدیفنی و جامع
شریفک حویلینک ایکی طرفنده واقع و متعدد قدحانه لر بولندیفنی حالدیه

ارقه طرفده کی قدغخانه لر معلوم اولان حریقده عترق اوله رق غایت جزئی بر تعمیر و محتاج ایکن بردهایا پلامش و اولک طرفده بولان قدغخانه لرده و قتیله بر جنایت و قوعبولسیله اوکلرینه محکم بر تخته بند چکلمسیله ابطال ایدلمش لدرده هیئت جلیله لرندن سؤال ایدرم : بر جنایت و قوعبولمقله درتیوز سنه لک قدغخانه لر هیچ ابطال ایدیلیر می ؟ احتیاجات عظیمه و ضروریه بشریه دوشونولزمی ؟

کچن کون صباحلین ایرکنجه شهزاده جامع شریفی حولیسندن کچدم - سویلمی عیدر آما سویلمی سویلمی بوحاله کلدک .

او مقدس جامع شریفک حولیسند و یولده دکانلر اوکنده او قدر رنکارنک نجاست ییغنتیلری کوردمکه آرتق کندمی عتله بولاشمش ظنر ایتمکه برابر برقاج کون دنیایه باقمقدن استکراه ایتدم .

خزیننه نك بوفوق العاده مضایقه لی زماننده مأمورلرک معاشلرینه برقاج مثلی ضمایم و قوعبولمش ایکن حس نتیجه وظیفه بومیدر ؟ اوت بیلیرم . باب عالی نك مشغولیتی چوقدر ، عظیمدر ، مهیدر ؛ لکن اوقافه جوال ، هیتلی ، متدین ، مقتدر بر ناظر تعینی و یا خود امانته می ، مدیریته می هر نه یه قلب اولنه جقسه بر ایکی کون طرفنده اجرا بیورلمی دم عجا شومهم و معظم ایشلردمیدر ؟

بناءً علیه مجموعه لرمدت تعداد ایلدیکم مسائلک قابینه دن استیضاح بیورلمسنی و بوقدر چینی لر کاشی لر صورغوجلر قیمتلی سجاده لر خالیلر چالشمش ایکن بونلر ایچون شمیدی به قدر محکمه هانده سنه مراجعت ایدلدیکنه و بر محاکمه و قوعبولدیغنه دائر علی الاصول شمیدی به قدر فزته لرده هیچ بر محاکمه نك صورت جریانی کورللماسی اسبابنکده تدقیق و توضیح اولمسنی هیت وطن و سلامت مصلحت نامه هیئت جلیله لرندن استرحام و استدعا ایلرم اولباید امر و فرمان حضرت من له الامر کدرم .